

# Ogeysiiska Khidmadaha Dugsiga ee Qoysaska Ardayda Fasallada K-6

## Dastuurka Utah wuxuu mamnuucayaa in laga qaado khidmadaha dugsiyada hoose.

Haddii ilmuhu dhigto fasalka xanaanada ilaa fasalka lixaad, laguma soo dalaci karo kharashka buugaagta waxbarashada, qalabka fasalka ama agabka, qalabka muusikada, safarrada bannaanka, isku-imaatinada, cuntooyinka fudud (marka laga reebo cuntada lagu bixiyo Barnaamijka Qadada Dugsiga), ama wax kasta oo kale oo dhaca ama la isticmaalo inta lagu jiro maalinta caadiga ah ee dugsiga.

**Khidmadaha waxaa lagu qaadi karaa oo keliya** barnaamijyada la bixiyo ka hor ama ka dib dugsiga, ama inta lagu jiro fasaxyada dugsiga. Khidmadaha ayaa sidoo kale laga qaadi karaa ardayga dhigta fasalka lixaad oo dhigta dugsi leh hal ama in ka badan oo fasallo 7-12 ah, haddii dugsi raaco qaab dugsi sare oo waxbarashada loogu fidiyo ardayda fasalka lixaad ee dugsiga.

Sharciga Utah wuxuu uga baahan yahay dugsiyada qaada khidmadaha, inay hubiyaan in ka dhaaftaan khidmad ama qodob kale oo beddel u ah ka dhaaftaanka khidmadaha ay heli karaan arday kasta oo waalidkiis uusan awoodin inuu bixiyo khidmadda.

## Ka dhaaftaannada Khidmadda

Ka dhaaftaanka khidmadda waa ka-dhaaftaan shuruudda ah in la bixiyo khidmadda. Haddii ardaygu u qalmo ka dhaaftaan khidmad ah, **khidmadaha waa in la dhaafaa, iyadoo ku xiran xadka lacagta dugsiga ee wadarta guud ee ka dhaaftaanka khidmadaha iyo xadka ka dhaaftaanka safarka.**

Ka dhaaftaanka khidmadaha safarrada laba habeen ama ka badan ee dugsi maalgeliyo waxay ku kooban yihiin laba safar sannadkiiba ardaygii. Ka dhaaftaan safar labaad ayaa la codsan karaa iyadoo lala kulmayo maamulaha ama qofka loo xilsaaray si loo sameeyo qorshe hawleed oo dugsi ansixiyay.

Ardaygu wuxuu xaq u leeyahay ka-dhaaftaan haddii:

- qoyskiisu uu qaato lacagta TANF ama SNAP (food stamp (kaalmada cuntada) ama Barnaamijka Shaqada Qoyska ee gobolka, Barnaamijka Kaalmada Nafaqada Dheeraadka ah);
- ardaygu uu qaato SSI (Dakhliga Dammaanadda Dheeraadka ah);
- ardayga lagu qoray McKinney-Vento;
- ardaygu uu ku jiro daryeelka korinta;
- ardaygu uu ku jiro gacanta dawladda; ama
- ardaygu uu xaq u leeyahay iyadoo lagu saleynayo dakhliga qoyska/reerka (heerarku waxay la mid yihiin kuwa u-qalmitaanka qadada bilaashka ah).

\* *Ardaygu wuxuu sidoo kale xaq u yeelan karaa in laga dhaafdo khidmadaha haddii uusan buuxin mid ka mid ah heerarkan laakiin uusan weli awoodin inuu bixiyo khidmad. Fadlan eeg siyaasadda dugsiga ama degmo-dugsiyeedka deegaanka si aad u hesho macluumaad dheeraad ah.*

Haddii ardaygu rabo inuu codsado ka dhaaftaan khidmadda ah, waxaa laga codsan doonaa inay keenaan dukumentiyada muujinaya u-qalmitaanka ka dhaaftaanka khidmadda oo qayb ka ah habka codsiga.

Si uu u codsado ka dhaaftaan khidmad ah, ardaygu wuxuu soo gudbin karaa "Codsiga Ka Dhaaftaanka Khidmadda Dugsiga". Nuqul ka mid ah codsiga ayaa lagu daray ogeysiiskan, nuqullo dheeraad ahna waxaa laga heli karaa xafiiska dugsiga, ama bogga internetka ee khidmadaha dugsiga ee gobolka oo ku taxan dhammaadka dukumeentigan. Marka dukumeentiyada loo gudbiyo dugsiga, shuruudaha khidmadda waa la hakin doonaa ilaa laga gaaro go'aan kama dambays ah oo ku saabsan u-qalmitaanka ardayga ee ka-dhaaftaanka khidmadaha.

Haddii codsiga la diido, dugsi wuxuu soo diri doonaa "Foomka Go'aanka iyo Racfaanka". Foomku wuxuu sharxi doonaa sababta codsiga loo diiday iyo sida racfaan looga qaadan karo go'aanka. Xasuuso inaad had iyo jeer haysato nuqul. Haddii racfaanka diidmada ka dhaaftaanka khidmadda la gudbiyo, dhammaan khidmadaha looma baahna in la bixiyo ilaa racfaanka laga gaadho go'aan.

Haddii ardaygu rabo inuu sawirada dugsiga, buugaag-sanadeedka, ama waxyaabo la mid ah ka iibsado dugsiga, kharashaadkaasi ma aha khidmado mana laga dhaafi doono. Sidoo kale, haddii arday uu lumiyo ama uu waxyeleeyo hantida iskuulka, kharashka beddelka ama hagaajinta ma aha khidmado oo laga dhaafi maayo.

### Deeqaha, Sirta, iyo Fulinta Khidmadaha

Lacagta dugsigu waa kooban tahay, dugsiguna wuxuu u baahan karaa caawimo khidmadaha dheeraad ka ah. Sidaas darteed, dugsigu wuxuu codsan karaa deeqo canshuur laga jari karo oo ah agabka dugsiga, qalabka, ama lacagta, laakiin dugsigu ma waajibin karo deeqo.

Magaca ardaygu waa qarsoodi mana loo sheegi karo qof kasta oo aan lahayn xuquuq iyo baahi uu ku ogaado macluumaadka, iyadoon loo eegin haddii ardaygu bixiyay khidmado, deeqo, iyo tabarucaad iyo in kale, ama uu codsaday, helay, ama loo diiday ka dhaafitaan. Laakiin, dugsigu isagoo oggolaansho ka helaya deeq-bixiyaha, siin karaa aqoonsi ku habboon qof kasta ama urur kasta oo deeq weyn ama tabarucaad u sameeya dugsiga.

Shaqaalaha dugsiga iyo dugsigu kama celin karaan, kama dhimi karaan, ama uma kordhin karaan darajooyinka ama dhibcaha, umana diidi karaan darajooyinka, jadwalka fasalka, dhibcaha, kaararka warbixinta, qoraallada diiwaangelinta, ama dibloomada si loo dhaqan geliyo bixinta khidmadaha.

### Wixii macluumaad dheeraad ah, la xiriir:

#### Dugsiga deegaanka:

Magaca: \_\_\_\_\_ Taleefanka: \_\_\_\_\_

limayl: \_\_\_\_\_ Websaytka: \_\_\_\_\_

#### Cidda Laga La Xidhiidhayo Khidmadaha Dugsiga Degmada/Jaartarka:

Magaca: \_\_\_\_\_ Taleefanka: \_\_\_\_\_

limayl: \_\_\_\_\_ Websaytka: \_\_\_\_\_